

四庫全書

子部

欽定四庫全書

子部

秘殿珠林卷

十八至
二十一

詳校官中書臣吳璫

助教臣常循覆勘

總校官降調編修臣倉聖脉

校對官編修臣何循

謄錄監生臣賀雲錦

欽定四庫全書

秘殿珠林卷十八目錄

貯

乾清宮

名人畫

道氏圖冊上等

梁張僧繇畫五星二十八宿神形圖一冊

元趙孟頫畫列仙圖一冊

名人畫

道氏圖冊次等

宋李永年畫神仙圖一冊

無名氏畫

道氏圖冊上等

明人畫無量壽圖一冊

明人畫列仙圖二冊

名人畫

道氏圖卷上等

南唐陸晁畫上元天官圖一卷

南唐陸晁畫中元地官圖一卷

宋孫知微畫十一曜圖一卷

宋王輝畫搜山圖一卷

元錢選畫洪崖圖一卷

明宣宗畫純陽真人圖一卷

名人畫

道氏圖卷次等

宋勾龍爽畫葛洪移居圖一卷

宋勾龍爽畫葛洪移居圖一卷

宋劉松年畫老子出關圖一卷

宋劉松年畫軒轅問道圖一卷

宋劉松年畫葛洪移居圖一卷

元趙孟頫畫軒轅問道圖一卷

元趙孟頫臨老子授經圖一卷

欽定四庫全書

秘殿珠林卷十八

貯

乾清宮十八

名人畫

道氏圖冊

梁張僧繇畫五星二十八宿神形圖一冊

上等天一

素絹本著色畫每幅右有梁令瓚篆書摘錄諸

星性情形體數語第一幅歲星記云歲星神豪
俠勢利立廟可於君門祭用白幣器用銀食上
白鮮諱彩色忌哭泣歲星為君王前另有篆書
五星及二十八宿神形圖十字又隸書奉義郎
守瀧州別駕集賢院待制仍太史臣梁令瓚上
廿一字幅中有丹誠閣韓逢禧珍秘耿會侯鑒
定書畫之章琴書堂諸印又一印漫漶不可識
高八寸一分廣一尺二寸六分第二幅熒惑星

記云熒惑星神食火祭用血肉酒器用赤銅幣
用赤殺牲啖血祭具戰器鼓舞然後祭之忌哭
泣善事熒惑嬌暴公子熒惑廟可致軍門幅中
有丹誠長宜子孫珍秘耿會侯鑒定書畫之章
琴書堂元賞諸印高八寸二分廣一尺二寸第
三幅鎮星記云鎮星神以黑烟霧為宮祭用烏
麻油蔬食飲水幣用故黑器用鐵戒在奢淫鎮
星是御史宜水土事立祠農疇水渚旁幅中有

丹誠閣宗家重貴宜爾子孫琴書堂耿會侯鑒
定書畫之章諸印高八寸一分廣一尺一寸第
四幅太白星記云太白星神祭用女樂器用金
幣用黃食用血肉不殺牲亦忌哭泣太白廟女
宮中黃屋飾皆黃仍被五采太白后妃也幅中
有元賞珍秘宜爾子孫丹誠琴書堂耿會侯鑒
定書畫之章諸印高八寸廣一尺三寸七分第
五幅辰星記云辰星神功曹也知天下理文墨

歷術典吏傳送執天下綱紀辰星日御也常不
離日祭用碧器用碧玉幣用碧色祭用疏水類
屬魚廟可致於相府也中書幅中有元賞耿會侯

鑒定書畫之章琴書堂丹誠宗家重貴珍秘諸
印高八寸二分廣七寸七分第六幅角星記云

角星神聰睿勇知受快樂通律歷名搢芳一名

先率

姓熾下
缺一字

前另有篆書二十八宿神形圖七

字幅中有丹誠元賞珍秘耿會侯鑒定書畫之

章琴書堂宜爾子孫諸印高八寸二分廣七寸二分第七幅亢星記云亢星神性淳質清平通於戰陣名賢戰幅中有元賞丹誠宗家重貴宜爾子孫耿會侯鑒定書畫之章琴書堂諸印高八寸二分廣六寸二分第八幅氐星記云氐星神廟有九萬里通於數紀之會名粉評姓為翟衛幅中有元賞丹誠宗家重貴耿會侯鑒定書畫之章琴書堂宜爾子孫諸印高八寸二分廣九寸

六分第九幅房星記云房星神性毒雄多淫多

子妖訛呪咀淫祀兩形與丈夫婦人更為雄雌

廟一十萬餘里廟欽邪廣名含孫

姓為管紀踐

幅中

有元賞漱六主人藏耿會侯鑒定書畫之章琴

書堂丹誠諸印高八寸二分廣七寸八分第十

幅心星記云心星神性多毒多姪多子妖訛呪

咀淫祀兩形與丈夫婦人更為雄雌廟十萬里

廟欽邪廣名招貴

姓房館

幅中有耿會侯鑒定書

畫之章琴書堂元賞丹誠諸印高八寸二分廣六寸九分第十一幅尾星記云尾星神能効衆神而不受衆神効名閭當

姓為張兕

幅中有元賞會

侯珍藏宗家重貴耿會侯鑒定書畫之章琴書

堂丹誠閣諸印高八寸四分廣九寸二分第十

二幅風星記云風星神吼如母大蟲不受人制

獨用能害物通於兵名士常

姓為談注云士或為吐

幅中

有元賞丹誠宗家重貴耿會侯鑒定書畫之章

琴書堂宜爾子孫諸印高八寸一分廣一尺一

寸第十三幅斗星記云斗星神能起伏陰陽其

廟無定準里數

名狀缺一
字姓拒堵

幅中有元賞琴書堂

耿會侯鑒定書畫之章丹誠漱六主人藏諸印

高八寸一分廣七寸七分有奇第十四幅牛星

記云牛星神善醫多病受占候陰陽諂邪妄說

禍福能以詔辭扇動人名略緒熾

姓蠲
徐

幅中有

元賞琴書堂耿會侯鑒定書畫之章丹誠諸印

高八寸二分廣八寸九分第十五幅女星記云
女星神淫亂貪讒善醫多病受占侯陰陽詔邪
妄說禍福能以詔辭扇動人廟廣五萬六千里
名為色舒幅中有元賞耿會侯鑒定書畫之章
琴書堂丹誠宜爾子孫諸印又珍秘印二高八
寸二分廣八寸八分第十六幅虛星記云虛星
神明歷術名閨陽姓明辟疆幅中有元賞琴書堂耿
會侯鑒定書畫之章丹誠諸印高八寸二分廣

六寸五分有奇第十七幅危星記云危星神好哭泣剛愎嫉惡好亂好殺廟廣五萬六千里名

推長

姓呂賈生

幅中有宣和殿寶紹興秘書省印三

璽元賞丹誠珍秘宜爾子孫琴書堂耿會侯鑒定書畫之章諸印高八寸二分廣一尺四分有

奇

以上俱原圖

第十八幅室星記云室星神蝎天之

子屬蛇頭天祭用血肉第十九幅壁星記云壁星神祭用肉屬林天婆婁那之子姓陀難閼第

二十幅奎星記云奎星神屬富河天祭以酪姓
阿虱叱排尼第二十一幅婁星記云婁星神形
如馬頭祭以大麥飯并肉屬乾闥婆天姓阿舍
婆第二十二幅胃星記云胃星神形如鼎性縱
惡自在如首羅能護四方皆得安穩屬閻摩羅
天祭用秬米胡麻及野棗姓跋伽毘第二十三
幅昂星記云昂星神好作善事性速疾大威德
妹之子形如剃刀一日一夜歷四天下祭用酪

姓鞞耶尼第二十四幅畢星記云畢星神屬水
天形如立义祭用鹿姓頗羅墮第二十五幅參
星記云參星神屬日天性大惡多瞋忿形如婦
女祭用醞醕姓婆私失締第二十六幅觜星記
云觜星神屬月天即是月子祭用果姓毘梨伽
尼第二十七幅井星記云井星神祭用秬米以
華和蜜形如脚迹屬日天姓婆私失締第二十
八幅鬼星記云鬼星神屬歲星天歲星之子形

如諸佛胃前滿相性溫和樂修善法姓炮波那
毗第二十九幅柳星記云柳星神屬於蛇天形
如婦女祭用乳糜姓蛇第三十幅星星記云星
星神屬火天形如河岸用秔米烏麻作粥祭之
姓賓伽耶尼第三十一幅張星記云張星神屬
福德天形如腳跡祭用毘羅婆果姓瞿曇彌第
三十二幅翼星記云翼星神屬林天形如腳跡
祭用煮熟青黑豆姓憍陳如第三十三幅軫星

記云軫星神蝸仙之子形如人手祭用莠稗飯
屬沙毗梨帝天姓迦遮延

以上俱補作俱高八寸有奇廣一尺一寸

冊首

御識云張丑清河書畫舫云張僧繇五星二十八宿
真形圖畫固奇絕而篆文星法更妙故松雪翁
跋語極稱許之又注云圖原上下二卷今五星
幸全其二十八宿止存起角訖危十二位後有
本身空絹識以宣和大璽今此冊筆墨精微設

色濃古與丑書中所載脗合定為真蹟無疑趙跋無存殆後人改卷為冊又竊取真跋以別售贗畫耳自室宿以下舊闕十六位爰命畫院仿其筆法補繪之并勅汪由敦補書篆文全冊左幅張照書釋文庶幾古今至寶復成完璧也乾隆九年春三月御識下有乾隆宸翰攜筆流雲藻二璽

元趙孟頫畫列仙圖一冊

上等
地一

素絹本著色畫末幅款識云大德辛丑八月十
九日畫吳興趙孟頫計十幅每幅有趙孟頫楷
書列仙小傳下俱有趙氏子昂印一首幅有世
寶天官考功大夫印吳氏宗高珍藏圖書快雪
閣圖書記奇觀諸印其餘各幅俱有世寶天官
考功大夫印幅高八寸七分廣一尺二寸三分
名人畫

道氏圖冊

宋李永年畫神仙圖一冊

次等天一

絹本著色畫填青末幅金書款識云咸淳二年
春畫院祇候李永年敬繪每頁左幅有磁青箋
本趙孟頫金書列仙小傳末幅款識云大德九
年秋七月吳興趙孟頫書首幅有泥金篆書萬
壽諸仙成真事實八字計四十八幅後有董其

昌跋一

無名氏畫

道氏圖冊

明人畫無量壽圖一冊

上等天一

素絹本著色畫每頁左幅有佛青絹本泥金書
冊前泥金篆書天開壽域萬萬歲圖八字第一
幅畫天開壽域題云巍巍壽域肇開自天甲子
三元億萬斯年碧臺絳闕位列羣仙金母木公
高揖瑤筵第二幅畫玉清聖境題云玉清聖境
元始所治五城巍煥九闕參差雲音妙暢霓舞

遲遲天厨酒美觴無盡時第三幅畫上清真境
題云上清太微玉宸之宮羣真正位飈駕雲中
侍以玉女從以青童靈寶真篇文罕能通第四
幅畫太清仙境題云列仙升舉延登太清逍遙
景輿遊燕玉京至德有感大道無名五千妙理
默契斯精第五幅畫北辰建極題云北辰居極
太乙當陽紫宮環衛以備非常斗蓋帝車運於
中央閣道凌空絕漢瑤光第六幅畫五嶽瑞應

題云五嶽之時上視三公歷代封禪云亭岱東
天示珍符民樂時豐如聞萬歲十萬聲中第七
幅畫四瀆效靈題云江神飲德河伯效靈支祈
恒鎖蛟鱷常屏壁馬沉波稷黍明馨河清可頌
奏獻彤廷第八幅畫七真相慶題云方諸青童
扶桑神王太極清虛會燕瑤房華存吟唱屬和
紫陽瓊酥淥醑疊奏金觴第九幅畫八仙胥會
題云鍾呂之傳世號八仙浮丘接袂洪崖拍肩

青藍纖細珠塵潔圓服之長壽花灼千年第十
幅畫九曜朝真題云五行之氣上為星精炁字
四餘日月長行舜齊七政允在璣衡伊惟九曜
千載貞明第十一幅畫西池曲宴題云西池觴
會仙聖顏酖天廚精妙素女紛羅乃命法嬰引
聲靈歌上元鼓琴雲琳妙和第十二幅畫天保
九如題云天保序云報上之章人臣愛君形於
頌揚歸美如九曲喻綿長罄宜百福萬壽無疆

通計二十四幅幅高一尺四寸七分廣一尺二寸五分

明人畫列仙圖二冊

上等一

絹本泥金畫填青每頁左幅佛青絹本俱有金書列仙小傳上下冊俱計二十四幅幅高一尺五寸廣一尺三寸

名人畫

道氏圖卷

南唐陸晃畫上元天官圖一卷

上等天一

素箋本白描畫無款姓名見題籤引首有王叔安篆書上元天官四大字款云翰林王叔安書前隔水有宋徽宗泥金書籤陸晃天官圖五字下有雙螭璽一押縫有御書璽存其半又宣和小璽一卷前有李氏家藏時行之印子孫永保三印卷後有景小差鑒定書畫印記李氏家藏時行之印清所諸印押縫有政和宣和璽二拖

尾有內府圖書之印紹興功臣子孫印又一印
缺其半存李孝彥三字後有僧仁濟跋云世代
更變之餘內府書畫悉散落人間陸晁真蹟余
見極少所有者僅田家圖與此天官圖耳卷中
神祇衛從木魅山魍旌節幢幡鑾輿劍佩無不
各司其司各貌其貌而神清氣韻筆走如龍備
極精妙蓋以畫法書法行文法概為寓意於筆
先故能落筆便成殊不構思古人莫及御譜所

稱誠淵監也仲言其寶之廢僧仁濟和南拖尾
押縫有吳陵李氏家藏清所三印又有海陵李
氏聚墨堂記八字下有時行之印聚墨堂印吳
陵清所諸印李氏家藏印二箋高一尺五寸五
分廣一丈四尺六寸

南唐陸晁畫中元地官圖一卷

上等
天二

素箋本白描畫無款引首有王叔安篆書中元
地官四大字款云翰林王叔安書卷前押縫有

清所印一卷中押縫有李氏家藏印一卷尾押
縫有淡處李時行甫清所諸印拖尾有淡處李
時行甫公餘清興聚墨堂記清所諸印凡八箋
高一尺五寸六分廣八尺五寸

案宣和畫譜第載陸晁天官圖一而地水二官
顧缺焉今大內所藏復有地官一圖筆墨精妙
直與天官埒其為晁真蹟無疑當時或散逸人
間未收入御府故耳顧水官猶缺恐天生神物

終當復合也

宋孫知微畫十一曜圖一卷

上等一地一

素箋本著色畫無款姓名見跋中卷前有吳寬
印一押縫有信公鑒定珍藏印一又二印缺其
半存永保之野叟五字卷中押縫有繼軒林遴
廷章印各二卷尾有耿昭忠信公氏一字在良
別號長白山長收藏書畫印記印一押縫有半
古軒書畫印印二繼軒珍玩圖書印一後隔水

有董其昌跋云孫知微畫十一星君奇古絕倫
吳道元之宗也道元有二十八宿與真武像余
曾見之館師韓宗伯家或命之僧繇皆一家眷
屬其昌後有珍秘長宜子孫二印又嚴世蕃一
跋不錄箋高一尺六寸廣九尺八寸

御筆題籤籤上有乾隆宸翰小璽

宋王輝畫搜山圖一卷

上等
元一

素箋本墨畫款云御前王輝畫拖尾有葉森題

云丁酉歲夏午於常清靜齋觀搜山圖題五十
韻元宮涼飈生座隅常清靜處如蓬壺停揮羽
扇意閒適明窓展視搜山圖左手王輝志怪怪
寫在匹

缺

形容猶不假丹青設顏色但將筆墨

輕描樛獐猙獰恒怯各有態畫藝不與常人俱川
靈蜀祇效奔走撇鷹縱犬慄威紆嚼唇哨喊萬
壑連石根木窟窮穿窬披髮坦肚赤脚健操戈
舞劍或執戩喫烟嚼燄吻血歆環目魚鰓森怒

鬚冢狐拜月戴髑髏化作女嬃妖嬈姝肖貌倩
美雙眼溜簪花麼媚誇鮮殊洞中果熟邀申公
笑擎觥竿傾雲腴一元大武被搦角瓦盆酒冷
驅吸呼小楷盤薄俯其後是不識字畊田夫孫
供奉醉脫落帽垂頭搭耳左右目癡憨未知神
殛汝由自殛妮嬌嬌扶雌魁宣淫不容禁懷中
保抱妖精雛攫猱梟羊越岡阜嗶嗶呶呶咆嚙
猢猻猢猻颯恣出沒猖狂踉蹌相睚眦那知神

兵下如雨霹靂閃電來須臾趨林踣厓總八校
瑯弓迸落金鑊鐔擺椿拔木山谷響石崩壓殺
蒼於菟轡轢蹉蹶什什伍拖爪拉腰剝及膚獠
夫唬將惡怒激此等怪不得潛軀蚺蛇覘勢噉
破膽捲口吐毒張白牙叶孤小軍弱力被纏倒夾
刀雙舉蛇肉剗兔跳狼竄去無路雄虺甘受青
鋒誅乖龍作孽不可赦爭先斂却額下珠撈波
漉沙攪渾濁貝闕擊折紅珊瑚鐵索縛縲衆力

挽招腦剜睛搏赤胡頑蛟掉尾斲先斷鼉皮鞵
鼓遭擄驅蝦奴麤婢爾何物賊鯽滿腹藏臭烏
水族學人弄兵仗龜鼈參軍及癩蟆叶謨雪浪翻
空聲澎湃鎖龍在柱囚天吳清源真君顏如玉
玉冠上服籠繡襦座中神色儼而厲來徵水衡
校林虞文身錦膊列壯士挾弓持彈金頭奴烈
烈勇氣增烜赫飛捷喏奏傳獻俘元熊赤豹急
投伏天符佐史供馳趨吾聞帝堯昔命羿繳大

風下殺獬廌斷脩蛇於洞庭野擒封豕在桑林
區此畫此意絕彷彿禹鑠支祈應是乎陽九百
六促氣運至今赤怪屯江湖願神為國施大勇
削平淮海開清都我為作歌感蒐狩眇莽九醜
休擲揄國家將興禎祥至魔精喪眼妖魂逋麒
麟在郊鳳在藪醴泉湧溢瑶草朱將延榮光擁
嘉瑞急急律令臻元符虎林葉森書箋高一尺
四寸五分廣三丈三寸

元錢選畫洪厓圖一卷

上等黃一

素箋本著色畫欸云洪厓先生像吳興錢選舜
舉畫於習懶齋後有舜舉錢選之印翰墨流聲
三印畫前有錢氏鼎元三印押縫有仲雅印一
畫後有蕭協中印泂州高松堂鑒定書畫印有
明王氏圖書之印諸印箋高八寸二分廣四尺

四寸

明宣宗畫純陽真人圖一卷

上等字一

素絹本著色畫款識云宣德丁未御筆戲寫純陽真人圖上鈐廣運之寶璽一絹高九寸二分有奇廣一尺一寸七分

名人畫

道氏圖卷

宋勾龍爽畫葛洪移居圖一卷

次等天一

素絹本著色畫款署勾龍爽拖尾有王蒙張雨

二跋

宋勾龍爽畫葛洪移居圖一卷

次等
天二

素絹本著色畫款云勾龍爽造拖尾有吳寬陸

完黃姬水三跋

宋劉松年畫老子出關圖一卷

次等
地一

素絹本著色畫款署松年拖尾有馬治跋一

宋劉松年畫軒轅問道圖一卷

次等
地二

素絹本著色畫款署松年拖尾有虞集跋一

宋劉松年畫葛洪移居圖一卷

次等
地三

素絹本著色畫款識云嘉定辛巳劉松年畫拖

尾有趙雍胡布沈周三跋又楊循吉記語六字

元趙孟頫畫軒轅問道圖一卷

次等元一

素絹本著色畫款識云至大三年七月吳興趙

孟頫畫拖尾有虞集跋一

元趙孟頫臨老子授經圖一卷

次等元二

素絹本墨畫後書道德經款識云沈內翰家藏

李龍眠所描老子授經圖一日出以示余見其

運思深遠落筆洒脫翻閱久之不忍釋手乃信
前人製作自然於尋常局度之外別有一種神
奇變幻處內翰不吝許余持歸臨摹數過始得
就緒惜乎吾才既竭竟不能如其萬一也尾餘
素縑遂書道德經續於上雖曰興之所至忘其
陋劣第後之觀者寧能免於蛇足之誚耶吳興
趙孟頫謹製後有祝允明文徵明二跋

秘殿珠林卷十八

欽定四庫全書

秘殿珠林卷十九目錄

貯

乾清宮

無名氏畫

道氏圖卷上等

唐人金神羽獵圖一卷

元人畫莫月鼎像一卷

無名氏畫

道氏圖卷次等

宋人畫老子出關圖一卷

宋人畫搜山圖一卷

明人畫搜山圖一卷

欽定四庫全書

秘殿珠林卷十九

貯

乾清宮十九

無名氏畫

道氏圖卷

唐人金神羽獵圖一卷

上等天一

素絹本白描畫卷前有思雲橋李曹氏曹溶鑒

定書畫印劉延之鑒定書畫印諸印又仲穆半
印卷後有柯敬仲氏柯氏清玩曹溶秘玩蕉林
居士師摯氏劉守有印諸印前隔水有梁清標
印河北棠村二印拖尾喬簣成跋云嘗觀六朝
畫筆簡而意有餘迥然高古右唐人模西嶽降
靈圖其人物車馬無不臻妙蓋名筆也顧今之
煥爛求備者則將置之何地耶當珍惜之喬簣
成記後有嘉興府印杭州通判之印二印又姜

夔題云夜半金神羽獵奔走山川百靈雲氣旌
旗來下颯然已入青冥後宮嬋娟玉女自輕八
尺飛龍戲作鳴鞭爭道綠雲斜墜春風後有曹
溶連印又趙孟頫跋云金神羽獵圖者其原蓋
出於唐人所作西嶽壁畫故每節斷續政以為
楹柱所間耳僕見此圖一二十本皆不及此卷
之妙凡人物犬馬士女鬼神車仗諸法畢備悉
能盡其能事其模手亦高矣展卷令人愛玩不

忍去手子昂又識云六言二詩姜夔堯章所作
與刊本數字不同佳句也來下作迴牙颯然作
須臾鞭作跨戲作鳴鞭作想見匆匆雲作鬢春
作秋後有蕉林秘玩觀其大畧二印押縫有棠
村一印安定二印卷高八寸一分廣一丈三尺
四分

元人畫莫月鼎像一卷

上等一地

素絹本著色畫引首有顧祿篆書莫月鼎先生

遺像七字款云太常典簿官顧祿篆畫卷前太
元子題月鼎先生像贊贊云心懸秋月眼流金
照地輝天沒古今一紙烏圖三百鋸風霆隨地
作甘霖嗣教天師太元子畫卷後元覽道人題
云顏如渥丹髮如霜炯炯雙瞳爍電光猶記先
朝呼得雨尚方親賜玉壺漿元覽道人王下二字不
識又鐵心道人題云面作硃砂紅鬚作蜩毛挺
怒過天收聲月照泥丸頂鐵心道人前隔水有

圖史自娛蒼巖子棠村審定焦林秘玩諸印後
隔水押縫有焦林冶溪漁隱二印拖尾趙雍題
云顏如渥丹熙然長春蓬首垢面嘗覲紫宸呼
吸笑談驅風馭雲左右侍衛皆雷之神而師胸
中廓無纖塵吁如師者方可謂真人也歟趙雍
稽首又張靈光題云滿面風雲水火生夜深明
月頂中明先生離坎乾坤外談笑陰陽掌內鳴
龍虎先天子張靈光拜題又李升題云絳樓有

月頂生光神服泥丸髮缺霜驅役風雷蘇亢旱

更施元妙理陰陽濠梁李升又陳旅題云瓊房

丹鼎漾金漪直把純乾換坎離却向絳樓明月

裏夜涼深缺太霞卮陳旅稽首又黃公望題云

道以為體法以為用金鼎玉蟾混合空洞風雷

雨電飛行鼓從被褐懷玉從事酣夢形謀成光

真成戲弄噫孰有能知師動中之靜靜中之動

者乎大癡黃公望稽首又陳元英題云蓬首脫

中貌如常人而能役乎鬼神狂醉弗恥蹟混閭
里而召覲乎天子富土苴貴野馬故超於造化
馮鴻濛鞭豐隆故游於空同或呼為仙或呼為
顛世莫知其元元孰形其形孰名其名君其問
諸青城東里陳元英稽首又應本題云鼎中丹
火熟多時揮斥風霆役雨師曾感九重天子召
却將金液泛霞卮錢塘應本又全思誠題云噓
為雲嘆為雨吾不知誰為之主嘯生風怒生霆吾

不知伊誰之靈明月團團行太虛夜分正射丹
砂鼎雲間全思誠敬書又黃玠題云爾月何月
爾鼎何鼎其容憨憨醉猶未醒眉睫之間矚光
射頂如火龍珠神機獨騁曠風鞭雷氣合溟滓
飛章揚文百鬼咸聽贊之者誰應若響影白雪
陽春黃庭內景四明山人黃玠敬贊又方斗孫
記云余坐碧窻滴露點易客有吳仁父者偕國
材樓君袖其所繪法師莫月鼎遺像併託諸吟

以贊道法之妙稱其鞭策龍虎指撝雷霆沛大
早之霖雨被聖朝之恩寵仙風道骨世所鑽仰
中言始逢鄒鐵壁嗣派王侍宸他缺許無心王
繼華之親傳至於李復陽高虛中諸弟子咸造
元奧下逮國材仁父共得心傳之秘其法彌高
像之不足故詠歌之余瞻遺像拊卷而嘆然後
知夫道家之傳法與儒家之傳道理一而已矣
吾嘗泝關洛之學太極一圖肇於濂溪繼而河

南二程出焉紫陽朱夫子集註四書筆削綱目
而儒道大明乃今月鼎之法及國材二君而盛
行是則傳道傳法初無二致像云像云笑貌云
乎哉余既叙又從而系之銘曰法師兮何名月
鼎兮馳聲步神霄兮虛濶存丹天兮杳冥洗黃
眉之髓兮隱赤松之形稟混元之氣兮役吾心
之靈鍊金虎之寶鼎兮養白雅之元精勲崇行
著兮昔動缺廷霖雨八荒兮澤潤生民弟子彌

衆兮海內羣英縱丹青兮莫肖其像描仙風兮
彷彿其真蛻塵埃兮脫汙俗乘朗風兮登蓬瀛
余亦仙翁之苗裔兮瞻遺像而服膺有師德之
雲來兮徵揮毫而作銘嚴陵方斗孫南仲述又
吳全德莫法師行實云莫法師者茗溪人提刑
莫某之後也師諱起炎法名洞一自號月鼎生
故宋寶慶二年丙戌四月二十九日辰時師像
宇魁秀神情爽拔幼習舉子業及壯戰藝於有

司凡三屈遂屏去留心元學汗漫江湖間至青城山遇丈人觀无極徐真人傳雷奧後聞建昌軍鐵壁鄒先生得王侍宸斬勘雷法銳意往求屈身為僮隸事之會師有疾危殆師晝夜侍疾不憚勞苦病且革囑家人厚贖遣之師拜泣具以實告鄒驚歎曰子之慕道若此其甚耶惜吾億矣雷書全文不能悉授於子乃據法中使者一符以授之厥後復得潯陽揚真人印證元機

持鍊純熟動與神合寶祐戊午秋大旱馬裕齋
招致紹興禱雨瞬息沾澍繇是聲譽大振理宗
洎三十五代觀妙天師皆褒以贈章臨安宗室
子弟當世公卿士夫爭相延致獨喜養恬仁和
縣倪氏以高尚自處元至元戊子御史中丞崔
或奉命求賢詔來江南是秋起師至京師承旨
祈禱屢有異應缺賜酒命典教辭弗受明年已
丑師固請於學士李公曰吾老矣歸江南是所

願也李諾之命有司給驛還吳中時庚寅二月也吳人王繼華盡禮招致遂館其家學者踵至師以天機不可妄泄必擇其人授之嘗曰吾得鐵壁師之旨不過百字動雷霆流芳衍派須其人爾至托狂於酒有叩之者信筆作符作字以應之醉時所書醒亦不知成何等語得者莫不寶蓄焉癸巳冬師嬰疾繼華侍疾弗少怠進所治藥師弗飲笑而曰飲將何為明年正月二十

六日非爾所能醫也後果及期卒將終時衆求
偈師索筆書云六十九年明月也曾陰晴圓缺
今朝大地光明三界虛空透徹書畢問左右曰
幾時斂我衆答曰衣衾棺槨具矣瞑目即斂師
搖首曰待五事備言畢而逝衆曰時未驚蟄安
有風雲雷雨電乎夜二鼓忽天氣洶洶五事並
作衆乃駭歎遂大斂越缺日葬於吳之長洲縣
陳公鄉二十四都朱家浜洪荒圍實至元三十

一年甲午歲也享

缺

六十有九師放形江湖寓

興於酒嫉世遠蹈之意隱然不言之表其含真

抱一與天

缺

混然無間故摧邪破廟召雨呼雷

歷歷在人耳目又豈待紀述而後盡哉雖然吾

嘗聞古之至人乘雲氣駕日月遊於八極之外

豈斯人之徒與四方學其道者鮮或得之獨吳

中王繼華金靜隱江東許無心廉使陳靜佳稱

為入室弟子今將錄職贊章列諸卷左以示將

來庶使學是法者知所自云嗣法武林靜和處
士吳全德仁父稽首拜手敬書法職太上三五
都功職錄弟子五雷院右判官知驅邪院事侍
宸下第六代演教嗣師理宗贊囊裏真符鼎裏
丹旱能祈雨雨能乾神通駭動紅塵裏擬似神
仙下玉壇觀妙天師贊章欲識雷霆事江湖少
得真古霄莫月鼎叱咤起風雲劍指魁罡轉雙
眸火電生坐看功行滿白日上青冥又王義方

題云蓬頭弩眼豪勢萬丈也不是醉酒底狂夫
也不是覓元珠的罔象一點靈光古今赤灑灑
銀河落處現出這箇月鼎真相東華後人王義
方拜又薛義題云棗木誓天翻雨脚胡桃擲地
作雷聲當年世祖誇神異遺像猶能起後生瓊
林真逸薛義謹題又張天雨雷師真人月鼎先
生畫像贊目若流鈴面如頰玉禪中是雷霆都
司泥丸有阿嬌金屋運水也不會鞭一隊火裏

蛟龍畫符更無用掃幾箇洞中蝙蝠知之者怪
其被髮佯狂不知者歎為猶龍氏之新沐酒肆
相逢莫放渠北斗翻身南斗宿上清弟子張天
雨禮空再拜焚香而書又韓璫題云頽其容露
其頂呼雲雷吸光景仙耶神耶不可知月在天
兮丹在鼎會稽韓璫再拜敬贊又曹孔章贊云
氣之伸者為神神之凝者為真惟神故真常凝
惟真故神常伸所以能幹造化之樞紐而闢闔

乎乾坤昔先生之處世也矯乎若應龍之不可
馴及先生之化去也炳乎若列宿之不可泯其
駕風鞭霆靈異環絕之迹固已漠乎如雲散之
無垠矣而托諸汗青勒之堅珉者則百世而猶
新也肅瞻遺像儼然生存吁茲其所謂仙公真
人者耶建安曹孔章敬贊又李孝光贊云古之
真人一體之盈虛消息皆通於天地合氣於神
神合於无其動若水其靜若鏡存亡自在懽校

四時冬起雷夏造冰上闕青天下潛黃泉聖知

不能干鬼魅不能欺是純氣之守也欲若

字疑誤

道而用視聽形智以求之弗當矣十一月朔辛

巳李孝光集贊又秦曷題云穢萬物潔一身雷

霆在天人而神秦曷贊又韓友直題云稽首真

人雷門謫仙積功累行通真造元顏如渥丹素

髮垂肩傲睨卿相若癡若顛酒肆酣飲醉乃神

全焚香飛檄箕張斗旋雷霆號令風火驛傳曰

雨曰暘實兆豐年一念精誠上通九天余故知其妙用元機道合自然也耶介石道人韓友直謹贊又洪徵題云晴開雲海輝朝暎流霞散采光璘靄長髯短髮頭不巾瑩瑩自是真天人酒酣夜半發狂怒拔劍喝月天為昏指揮號令役神鬼電母習霍雷公奔昔年振袂叩閭闔玉階長揖朝至尊南箕北斗咸動蕩虎不受縛龍弗馴歸來談元說至理夢入白雲呼不起心與造

化同一機神兮在天猶不死燉煌洪徵又舒叔
獻題云月行虛碧太陰之精鼎鍊鉛汞九轉乃
成世有莫君以號代名厥義伊何匪形其形默
運陰陽以時降昇內鑑已瑩猶月之明真藥已
結猶鼎之凝以茲自表昧者駭聽善推所蘊妙
闡厥靈吐音為祝咒古春雷忽鳴縱筆為符秋鷹
聿興喜而開霽怒而轟霆仙瓢所至天河為傾
潤澤之功契彼鈞衡非仙而人火食以生非人

而仙馭風以行昔也往矣遊神蓬瀛今也見之
寄質丹青髮怒可數顏赭非醒可肅流俗精爽
英英不忘者存於茲可徵我歌以詩匪頌匪銘
赤城舒叔獻又吳全德記云靄法之始自漢而
流於晉東華王公乃有太清玉司太乙碧玉兩
書流布於世自茲以往曼衍無窮我祖師月鼎
先生得青城山丈人觀无極徐真人之親傳而
又從武陽鄒公印證遂知造化之妙雷霆之機

指顧而風雲生立談而雷雨作可謂神矣愚自
童_缺聞先生之名慕先生之道而每以不識
先生為恨深私淑焉至元後丁丑秋七月幾望
會碧泉張君於樓氏性齋邂逅一語如平生交
遂蒙指示元神妙用先天一炁於是心領神會
拳拳服膺而遂夙願已張君乃得之於莫師高
弟江東許無心先生者也一日樓君國材出示
予祖師真像愚一見欣忭稽首再拜請曰予幼

聞師之名今得受師之道而獲瞻師之像豈非
幸歟敢暫假命工師摹以奉之可乎國材父竟
授余茲畢功潢成敬述傳法本末如上用求贊
云後學允中子吳全德稽首敬書此題記後有
素箋縮本莫月鼎像款云錢塘沈麟稽首敬摹
後有孫行題云咫尺彤庭召對時先皇憂早念
羣黎天關撥轉雷霆軸嘆雨滂沱醉不知雲麓
樵隱孫行敬題又許德柔題云炎帝降精氣明

都產英靈紫皇授玉牒勅以司雷霆白首如飛
蓬腴顏若脂凝醉酣一嘆酒風雨漫青冥師道
不可述師像安能名披圖重稽首螻蟻攄微誠
今年吳會間十日九不晴安得師復起蠻蜚開
陽明海寧許德柔謹題時至元己卯十月一日
又楊彝題云雷師昔遊蜀山陽振衣飛上千仞
岡仙人讀書坐紫房迎拜願得不死方東薪煮
石二十霜錦雲鳳羅手所將山中歸來海生桑

醉稱直閣歌道傍傲睨富貴輕侯王手揮玉女
飛電光呼龍重淵雨八荒不動聲色提天網麻
鞋應召謁未央巢許豈可縻軒裳清風廉貪激
奔忙遺像凜凜森寒芒游光羯孽遠遁藏人間
混濁不可望安得從之白雲鄉綵鸞元鶴同徊
翔西亭楊彝稽首又莫昌題云春滿天庭神凝
阿堵駕風鞭霆呼雲叱雨法用先天功施下土
道則同源姓復同譜異日相從月臺玉府南屏

莫昌稽首又莫孜記云月鼎先生世為吳興莫氏於余實通譜焉其所傳雷法名元晶者最驗嘗一再至京師襍禮如所召及其傳授之次且語諸弟子曰吾師鐵壁鄒君嘗言此法不傳富室吏胥及赴醮道士止傳士大夫耳厥有旨哉焚香作頌端坐以逝吁亦異矣夫今觀遺像瞭然尚有生氣遐想嘯風鞭霆訶斥神物仿乎在目尤知前聞為不妄也與中諸公贊述居多余

因畧識其出處如此云至正辛丑臘月下休吳
興莫孜勉菴中書又錢桐題云學本先天法傳
正派跡寓塵寰神遊天界載瞻其像爰識其心
冰壺秋月洞徹古今時缺三年六月六日虛白
道人錢桐敬讚於湖之月河谿之別署又盛中
題云驅役雷霆只等閒信知妙運幹天關今朝
錦軸瞻遺像猶自風雲滿袖間弁山盛中又黃
曾題云稽首真人其猶龍與衆混跡眇一躬顏

如渥丹首飛蓬外弗加飾中甚充道由我得酒
何功青城授法啓其逢快劍磔裂三尸蟲水王
駕車昇絳宮元精凝結光瞳瞳五神五氣相混
融旋乾轉坤息長通帝青萬里神後從怒為霹
靂噓為風叱咤電母鞭豐隆手握化機游寰中
時而出之贊化工寓形閱世須有終灑脫氛濁
超鴻濛恍惚變怪不可窮毫楮尚足瞻儀容學
人寫貌求其同夜深月白懸太空崑崙倒映扶

桑東中間煜煜光如虹一燭衆妄開羣蒙江漢
自為水所宗作詩贊歎欺盲聾師亦大笑歸空
桐慈溪黃曾謹贊又韓執中題云貌若常人心
如赤子鐵壁老仙授以元旨雷電風雨聽從役
使紙上烏圖雲氣生鼎中白月丹光起飄然拂
袖向蓬瀛咫尺弱流三萬里今留遺像在人間
自是谷神元不死洪武三年三月三日弟子韓
執中焚香拜書又顧祿代宋濂書莫月鼎先生

傳云莫月鼎諱起炎湖州月河谿人高祖儔宋
政和壬辰進士第一祖慶父濛連起為顯官月
鼎生而秀朗肌膚如玉雪雙目有光射人習科
舉業三試於有司不利乃絕去世故從事於禪
觀之學脇不沾席者數年已而著道士服更名
洞乙自號為月鼎入青城山丈人觀見徐無極
受五雷之法又聞南豐有鄒鐵壁者得王侍宸
斬勘雷書秘不傳乃亟往求委身童隸事之會

鄒病革將遣去月鼎拜且泣具以實告鄒驚歎
即以其書相授於是月鼎召雷雨破鬼魍動與
天合雖嬉笑怒罵皆若有神物從之者寶祐戊
午浙河東大旱馬廷鸞方守紹興迎致月鼎月
鼎建壇場瞑目按劍呼雷神役之俄天地晦冥
震霆一聲大雨傾注穆陵聞之賜詩一章謂其
為神仙云元世祖至元己丑遣御史中丞崔彥
求異人江南物色獲之見帝於灤京內殿帝詔

近侍持果殽觴之時天色爽霽帝曰可聞雷不
月鼎對曰可即取胡桃擲地雷應聲而發震撼
殿庭帝爲之改容復命請雨雨立至如紹興時
帝大悅賜以內府金繒月鼎碎截之以濟寒窶
者帝疑其物微因盛有所賚亦不受尋有旨俾
掌道教事月鼎以年耄辭遂給驛南旋益放於
酒無日不醉醉輒白眼望天陰飈脩脩起衣袖
間嘗與客飲西湖舟中當赤日如火客請假片

雲覆之月鼎笑拾果殼浮觴面頃之雲自湖畔
起翳於日下蕃釐觀道士中秋方會飲觴既舉
有雲蔽月久不解月鼎時寓觀中道士知其所
為急召寘筵端且謝過月鼎以手指之雲散如
洗山氓為鬼物所憑狂易不可制遍索月鼎不
值忽遇諸酒肆月鼎大罵含酒嘆之暨歸物怪
已息賣餅師積餅於筐時被物竊去月鼎召雷
轟雲中斬胡孫首投於前市魁娶婦道為白猿

精所攝抵門但空車焉月鼎禹步如有指麾狀
狂飈遽作飄婦還舍問之婦云方在北高峯不
知何以至此也月鼎佯狂避世不妄與人接然
頗閔疾疢者有來告急或以解中黃篆符與之
或摘草木葉噓氣授之無不立愈者故咸以真
官稱真官謂其能主地上鬼神其靈異之跡士
大夫多言之不能盡載歲庚寅屬其徒王繼華
曰明年正月十又三日將化於汝家及期瞑目

而坐繼華問身後事月鼎搖手曰俟五事備可也夜將半風雲雷霆雨交作月鼎索筆書偈泊然而逝壽六十九繼華奉遺蛻葬於蘇之長洲陳公鄉去丹霞道院三里而近月鼎所授侍宸諸書寶秘一如鄒不輕授人惟繼華及無涯潘氏得其傳餘有求者隨其器小大淺深自撰符篆與之亦多驗繼華授張善淵善淵授步宗浩步宗浩授周元真皆解狎雷致雨雲而元真尤

號偉特若行醺法能使羣鶴回翔壇上云史官
曰魯陽援戈而麾日退三舍鄒衍仰天而哭六
月降霜夫以匹夫之微精誠所格而天且應之
況葆真之士乎所謂葆真之士其慮冲其志靜
虛其神凝以全故其一語默一呼吸誠可嘯呼
麾斥鞭笞魑魅於指顧之間矣嗚呼此事然也
則夫有事周孔之學以致中和之功者其應神
速又為何如哉參天地而妙萬物固宜有在也

世之人胡不爾思隨物變遷至於人道弗類其
可悲也夫抑亦可慨也夫余嘗總修元史已類
月鼎入釋老傳或以為涉於怪神止之然余心
竊有感也復別書之以示元學者翰林侍讀學
士中順大夫知制誥同修國史兼太子贊善大
夫金華宋濂謨又顧祿跋云祿自洪武戊午忝
官太常兼居制誥司余友宋公仲珩適承內旨
浼僕代書此卷屈指二十四年矣茲來吳興潘

一清之高第弟子張竹泉道紀索余題跋時祿
正居莫先生月河之故宅因不辭而書二詩以

填紙空云

缺

三年六月三日吳郡顧祿拜書闡

教曾聞動帝都畫圖忽喜見形模目如閃電光
相射髮似飛蓬亂不梳身後清名標月鼎掌中
神術秘雷符分明只似仙人輩太史文章信不
誣召雨驅雷握化權想來只是大羅仙盡傳鐵
壁先生法曾應金鑾

缺

宣遺蛻不知何處在高

名留得至今傳月河故宅余來往千載神交亦
有緣諸跋押縫有河北崇邨蒼巖子蕉林秋碧
諸印凡二十五拖尾有觀其大畧蕉林收藏二
印前像卷高一尺六分廣一尺六寸九分後像
卷高同前廣一尺三寸五分

無名氏畫

道氏圖卷

宋人畫老子出關圖一卷

次等
天一

素絹本著色畫圖後有管道昇磁青箋本泥金
小楷書道德經款識云皇元大德二年五月十
有一日閱出闕圖因書五千言以附卷左十有
五日弟子管道昇稽首識後有錢達潘嘉二跋
宋人畫搜山圖一卷次等
地一

素絹本墨畫拖尾有吳寬題句一祝允明跋一

周天球記語一

明人畫搜山圖一卷

次等
元一

絹本著色畫

秘殿珠林卷十九

欽定四庫全書

秘殿珠林卷二十目錄

貯

乾清宮

名人畫

道氏圖軸上等

宋劉松年畫拐仙圖一軸

宋李得柔畫藍采和圖一軸

元趙孟頫畫松石老子圖一軸

明仇英畫松陰老子圖一軸

明仇英畫南極老人像一軸

陳子星畫叱石化羊圖一軸

名人畫

道氏圖軸次等

元趙孟頫畫軒轅問道圖一軸

明宣宗畫南極老人像一軸

明憲宗畫純陽像一軸

明文徵明畫老子煉丹圖一軸

明商喜遐齡永禧圖一軸

明劉越千壽字南極老人像一軸

路從廣畫拐仙圖一軸

陳昌畫麻姑仙一軸

陸瀚畫南極老人像一軸

無名氏畫

道氏圖軸上等

宋人畫軒轅問道圖一軸

宋人畫老子過關圖一軸

宋人畫劉海戲蟾圖一軸

元人畫洪崖移居圖一軸

無名氏畫

道氏圖軸次等

宋人畫軒轅問道圖一軸

宋人畫南極老人像一軸

元人畫七曜圖一軸

元人畫陳搏問道圖一軸

元人畫鐵拐鍊形圖一軸

元人畫張果像一軸

明人畫葛洪移居圖一軸

明人畫長壽真人像一軸

明人畫福德星君圖一軸

明人畫洪崖渡海圖一軸

明人畫張果像一軸

明人畫鍾離像一軸

明人畫老子像一軸

明人畫東方朔獻桃圖一軸

明人畫壽字南極老人像一軸

明人畫壽字南極老人像一軸

明人畫南極老人圖一軸

名人書畫

釋道合卷上等

元趙孟頫書心經清靜經趙由宸書金剛經合
卷

欽定四庫全書

秘殿珠林卷二十

貯

乾清宮二十

名人畫

道氏圖軸

宋劉松年畫拐仙圖一軸

上等天一

素絹本著色畫款署北村劉松年絹高一尺四

寸二分廣一尺八寸六分

宋李得柔畫藍采和圖一軸

上等
地一

素絹本著色畫左方上有李得柔自書藍采和傳款云紫虛大夫葆光殿校籍李得柔畫傳後有靖山印一右角下有紫虛清玩牛印又成德楞伽真賞二印左方下有楞伽容若鑒藏二印絹高二尺九寸二分廣三尺三寸四分

元趙孟頫畫松石老子圖一軸

上等
元一

素絹本著色畫款云集賢直學士朝列大夫趙
孟頫畫松石老子圖右角下有大雅印一左角
下有趙氏子昂印一右角上一印漫漶不可識
又神游心賞印一左角上有神品墨林秘玩二
印左方中有項元汴印子京父印二印左角下
有墨林山人子孫永保二印右邊有蒼巖梁清
標印二印絹高二尺六寸六分廣一尺一寸三分

明仇英畫松陰老子圖一軸

上等黃一

素箋本著色畫款云吳郡仇英臨松雪先生筆
下有十洲印一左角下有調元贊化還翁在丁
卯庄記二印上方有素箋本祝允明楷書清靜
經一卷跋云仇實父摹臨趙文敏寫老聃索補
清靜經適余疾目又不能却勉承所命正德二
年春三月祝允明識下有允明希哲二印引首
有枝指生長印畫箋高五尺一寸廣一尺三分
經箋高一尺三寸五分廣同畫

明仇英畫南極老人像一軸

上等黃二

素箋本著色畫款署仇英下有十洲印一上方
錢源題云不是四皓之朋亦非七賢之友頭高
身矮足婆娑道是南極長生之叟人間五福壽
稱先天上雙星君最久寫來真像奉堂前歲歲
年年開笑口錢源題畫箋高一尺三寸四分廣
六寸八分有奇詩箋高一尺廣同畫

陳子星畫叱石化羊圖一軸

上等字一

宋箋本墨畫款題云仙徑有吉祥指石化為羊
雲樵下有子星之印自成一家二印高四尺三
寸廣二尺一寸一分

按陳子星未詳何時人

名人畫

道氏圖軸

元趙孟頫畫軒轅問道圖一軸

次等天一

素絹本著色畫右角上有篆書軒轅問道圖五

字欵識云延祐六年九月子昂畫

明宣宗畫南極老人像一軸

次等
地一

素絹本墨畫欵識云宣德己酉御筆戲寫賜禮
部尚書胡濙詩塘素箋本題云萬年寶厯予嘉
承保合太和福蒼生資爾忠貞匡治化壽同南
極樂昇平宣德四年正月十三日御武英殿書

明憲宗畫純陽像一軸

次等
元一

墨箋本著色畫上方金書題云一粒還丹身內

藏面紅肌細號重陽閒來獨步歸仙府十二瑤
臺路渺茫左角上有成化乙巳季夏吉日八字

明武宗畫純陽像一軸

次等
黃一

素箋本著色畫款識云正德丙寅御筆親寫又
紫箋一幅正德御製讚云九轉還丹一氣純陽
東華奠位元化無疆坎離交會日月同光遨遊
世界地久天長

明文徵明畫老子煉丹圖一軸

次等
字一

磁青箋本泥金畫款題云爐內丹砂添鶴算洞
中仙果艷長春須知物外烟霞好不是塵寰游
戲人嘉靖丙午秋七月畫并題長洲文徵明

明商喜畫遐齡永禧圖一軸

次等
由一

素絹本著色畫款識云宣德二年春臣商喜謹
獻遐齡永禧圖

明劉越千壽字南極老人像一軸

次等
洪一

素箋本無款左角下有劉子越千之印

路從廣畫拐仙圖一軸

次等
荒一

素絹本墨畫款署從廣

陳昌畫麻姑仙一軸

次等
日一

素絹本著色畫款云墨泉陳昌寫

陸瀚畫南極老人像一軸

次等
月一

素絹本著色畫款署陸瀚

按路從廣陳昌陸瀚未詳何時人

無名氏畫

道氏圖軸

宋人畫軒轅問道圖一軸

上等天一

素絹本著色畫高五尺二寸廣三尺一寸八分

宋人畫老子過關圖一軸

上等一地一

素絹本著色畫高二尺九寸廣二尺二寸一分

宋人畫劉海戲蟾圖一軸

上等一元一

素絹本著色畫高三尺三寸四分廣一尺九寸

四分

元人畫洪崖移居圖一軸

上等黃一

素絹本著色畫上方有王惲隸書題云昔夢洪崖仙遺我雪色鹿振衣登長岡超邁翥元鵠山精與木怪役使供走僕至今青城山神爽動林谷三郎老溫柔妄意企仙躅兩行招隱書空沾巖桂馥誰能拍其肩翳鳳事追逐我欣拜遺像及此凡數幅仙標入遐想茲畫更清淑掩卷見南山高興眇烟麓秋澗王惲題絹高二尺三寸

廣三尺二寸七分

無名氏畫

道氏圖軸

宋人畫軒轅問道圖一軸

次等天一

素絹本著色畫

宋人畫南極老人像一軸

次等天一

素絹本著色畫上有篆書十六字

元人畫七曜圖一軸

次等天一

素絹本著色畫

元人畫陳搏訪道圖一軸

次等黃一

素絹本著色畫

元人畫鐵拐鍊形圖一軸

次等字一

素絹本墨畫

元人畫張果像一軸

次等宙一

素絹本著色畫

明人畫葛洪移居圖一軸

次等洪一

素箋本著色畫

明人畫長壽真人像一軸

次等
荒一

素絹本著色畫上有無名氏記語

明人畫福德星君圖一軸

次等
日一

素絹本著色畫

明人畫洪崖渡海圖一軸

次等
月一

素絹本著色畫上有姚綸題句

明人畫張果像一軸

次等
盈一

素絹本著色畫

明人畫鍾離像一軸

次等
屏一

素絹本著色畫

明人畫老子像一軸

次等
展一

素絹本著色畫

明人畫東方朔獻桃園一軸

次等
宿一

素絹本著色畫右方角上有北野二字

明人壽字南極老人像一軸

次等
列一

素箋本

明人壽字南極老人像一軸

次等張一

素箋本

明人畫南極老人圖一軸

次等寒一

素絹本著色畫

名人書畫

釋道合卷

元趙孟頫書心經清靜經趙由宸書金剛經合

卷上等
天一

宋箋本第一分楷書心經款云趙孟頫書下有
孟頫印一經前二印缺其半惟存宜子孫收藏
圖書七字後有神品亮工二印又一印不可識
又半印存吳字箋高四寸六分廣八寸五分第
二分前畫白描老子像後行書清靜經款識云
大德十年歲在丙午閏正月廿三日太上弟子
趙孟頫奉為端靖凝和大師胡公書下有趙氏

子昂趙氏書印二印畫前有天籟閣湛恩記耿
嘉祚印項元汴印項墨林鑒賞章諸印又書字
號三字畫後有元賞耿嘉祚印會侯珍賞退密
墨林秘玩子孫世昌諸印押縫有松雪齋神品
宗家重貴宜爾子孫子孫永保項叔子諸印經
前有攜李項子京家珍藏神游心賞諸印經中
幅有會侯珍藏漱六主人子京項墨林父秘笈
之印真玩丹誠若水軒墨林山人子京所藏虛

朗齋吳楨周生墨林子京父印平生真賞諸印
款後有李周生鑒定書畫之印丹誠會侯之章
項元汴印項墨林鑒賞章樵李項氏世家寶玩
神品琴書堂印李永昌印周生清森閣書畫印
何元朗氏諸印高九寸廣三尺六寸一分第三
分趙由宸楷書金剛經款識云大德二年歲在
戊戌暮春之初吳興趙由宸謹書經前有修一
切善法神物護持二印後有朱之赤鑒賞印一

箋高八寸六分廣一丈七尺五寸五分拖尾邢
侗跋云子昂平生楷法大抵用和適姿媚勝耳
此清靜經以王內史為膚李北海為骨即令虞
褚當之不知誰堪上駟也兩行書是其本色合
作筆然尚有跡可求一解差不如一解矣吳君
寶此若身首安得假余程几間嗣今不免數數
有長安夢耳又云吳君用卿廷從都門將之南
陽會天寒不果行因出此軸索余題數言攜歸

都門都門名縉紳凡幾許乃借山人為贅不
笑吳君嗜痴甚乎吳君清士溷迹朝市中與僕
隱心無二是宜此卷之不釋余也濟南邢侗又
王野跋云趙魏公書法雅在超逸而此卷稍加
閒淡蓋得是經之旨也昔逸少書黃庭樂毅曹
娥碑等文皆隨義賦形妙絕今古余於此卷亦
然用卿購魏公書甚多而獨寶此有以也夫太
原王野又有萬曆乙未元旦吳治吳惟明程應

衡吳士諤同觀於真州天寧寺蘭若二十七字

秘殿珠林卷二十

欽定四庫全書

秘殿珠林卷二十一目錄

貯

乾清宮

舊刻本

道氏經冊上等

宋刻道德經

宋刻黃庭內景外景經

元刻悟真黃庭經

元刻太上元靈北斗本命延生經

舊刻本

道氏經冊次等

明刻解悟真經

繡線

道氏圖軸上等

宋繡南極老人像一軸

刻絲

道氏圖軸上等

宋織東方朔取桃圖一軸

宋織東方朔捧桃圖一軸

宋織東方朔捧桃圖一軸

明織東方朔丹成圖一軸

刻絲

道氏圖軸次等

明織南極老人像一軸

欽定四庫全書

秘殿珠林卷二十一

貯

乾清宮二十一

舊刻本

道氏經冊

宋刻道德經

上等天一

一套二冊有註上冊經名下有又元子印一

宋刻黃庭內景外景經

上等
地一

一套二冊有註上冊內景經首頁有臣宋聚業

堅齋二印第二頁有宋聚業印聲求二印下冊

外景經首頁有臣宋聚業堅齋二印

元刻悟真黃庭經

上等
元一

一套四本有註第一本首頁有文氏湛持珍賞

畫錦堂藏楊敦邦英諸印第三本首頁有文氏

湛持珍賞邦英畫錦堂藏三印

元刻太上元靈北斗本命延生經

上等黃一

一套四本有註

舊刻本

道氏經冊

明刻解悟真經

次等天一

二套十二本第一卷前有摹吳道子蓬萊聖景之圖卷中圖繪互見

繡線

道氏圖軸

宋繡南極老人像一軸

上等

素綾本五色絨繡高三尺三寸五分廣一尺四

寸有奇

刻絲

道氏圖軸

東方朔取桃圖一軸

上等

宋本高三尺三寸廣一尺三寸

東方朔捧桃圖一軸 上等

宋本高一尺一寸廣六寸有奇上有素箋本趙
孟頫書云五粒松佳服食稀冷冷澗玉寫清暉
道人氣味誰能似六月山中翠雪飛風外長松
含水聲華陽洞裏記曾聽當時密與仙人約相
伴根邊洗茯苓仲輝嘗遊句曲樂其雲松水石
之奇每來求詩余故發其隱云子昂箋高五寸
五分廣一尺有奇

東方朔捧桃圖一軸

上等

宋本高一尺二寸有奇廣七寸有奇

東方朔丹成圖一軸

上等

明本高五寸三分廣一尺九寸上方天青絲織

成沈周題云囊中九轉丹成掌內千年桃熟蓬

萊昨夜醉如泥白雲扶向山中宿沈周下有朱

絲織石田印


刻絲

道氏圖軸

南極老人像一軸

次等

明本上有刻絲金字贊語



秘殿珠林卷二十一